

քացիին այսօր: Օրս զՀասան ազային Շամլոյ գտունն քարեցին թէ Վասն է՞ր մեր ընկերացն երես տվիք դուք, որ այսպէս հաշարութիւն կ'անեն, և քո մարդոցն ևս զայսքան մարդն յէ՞ր ևս ժողովեր ի վերայ քո. դու այսպէս երգում չարի՞ր ի մեր հետն ի յէթմէյտանն թէ Վասն Աստուծոյ՝ ոչ մալի, ոչ մուլքի, ոչ ըստակի, ոչ մանսուպի, ոչ փառաց՝ այլ վասն Աստուծոյ եւ խաղաղութեան աշխարհիս եւ կենաց թաղաւորին յառաջացուցենք զբանս, այժմ (արդ ճշ կարգաւ): Եւ նա ելեալ ի այն տնէն, որ տվեալ էր տէֆտ[էր]տարն ի միբիէն ա[ն]արծաթ, եւ անտի [եւ]եալ գնաց ի սահման կոտրած գ. . . ին մի փոքր տո[ւ]ն մտեալ: Օրս տէֆտէրտարն, որ Մուստաֆայ տէֆտէրտարի որդի էր, այսքան խառնակութեանս մէջն հարստացաւ և հպարտացաւ և զրեալ մի արդ թագաւորին թէ Թագաւո՞ր, որ դու ես, անա՛ վէզիբն մեռաւ, անա՛ քեզ Դձ քսակ, ինձ տուր զվէզիրութիւնն: Օրս մէկ Տեարպէքիրցի էրէց մի վաղջանեցաւ ի Սուրբ Գէորք. հակառակ էր մեր Վարդապետին: Օրս մի քանի չօրպաճի եւ օտապաշի խորհուրդ առեալ թէ Ի՛նչ պէս առնեմք, անա՛ աշխարհ կու աւերի, ևս առաւել քաղաքս, և մեր անունն զայ թէ հաշարութիւն առնողն յէնկիւէրի է եւ այսպէս չարութիւն կու դործեն, ոչ տաճիկ եւ ոչ հայ կ'ասեն, զամենեսեան կու նեղացնեն. երթանք տանք զմեր արդն ի թագաւորն: Ջայս ասացեալ գնացեալ ի թագաւորն, միբնամիոյէ զրեալ և պատմեալ և ասացեալ թէ Եւ դու հրամանքդ երես տվիր Հասան ազային և զօրպաներուն, որ նոցա մարդն և մերս այսպէս կ'առնեն, որպէս վերասացաւ. և թագաւորն գնոսա ուղարկեալ սիրով թէ Դուք գնացէք ի ձեր բանն և ես զիտեմ զինչ առնելոց եմ:

Շարաթ օրս (12 Ապրիլ) գնացի ի մեր ժամն, թապախ բռնեցի էջմիածնայ: Դէմ առաւօտվան անձրեւ